

ները. նրանց մարդիկն ութ օրը մի անգամ գալիս են գիւղ  
և տանում են 1 ոչխար կամ 10 հաւ,  $\frac{1}{2}$  լիտր ալիւր,  $\frac{1}{2}$   
լիտր շաքար, բացի այդ գիւղացիները այս տարի իրենց հաշ-  
ուով պահում էին աղաների 72 ձիերը:

— Բէ մատաղ, — դարձաւ ինձ մի այլ կին, — մենք ապրել  
չունենք. աղային իրեք բեռ ցորեն պարտք ունէի, ցանքը  
աջող չլինելուն չկարացի ետ տալի. էն դրկեց իր մարդիկին  
և տարաւ ինձնից 10 օղչար, 1 եզ, 1 լիտր մանած և 1  
պղնձէ դազան:

Այս մռայլ և տխուր պատկերների վրայ պէտք է աւե-  
լացնել և աւազակային յարձակումները, որ դամոկլեան սրի  
նման կախած է յատկապէս Փէրիա գաւառի հայ գիւղացի-  
ուիթեան գլխին: Այսպէս, Աղաջանի տնից աւազակները գիշե-  
րանց տանում են 100 թուման փող: Ետայու տնից չորս ոչ-  
խար իսկ մի լօռ գալիս է մի այլ գիւղացու տունը և երկու  
լիտր ցորեն պարտք առնում, որը գիւղ փոխադրելու համար  
խնդրում է հայից մի էշ. գիւղացին տալիս է, այնուհետև  
լօռը ոչ էշն է բերում և ոչ էլ պարտքը տալիս:

Ահա այս է սիրելիս, խեղճ գիւղացիների դրուժիւնը  
Սնկերում:

Հայերն ունեն մի եկեղեցի Ս. Ստեփաննոս անունով, որ հըռ-  
չակած է Ս. Մկրտիչ աւետարանով, որին համբուրելու են գա-  
լիս շատ ուխտաւորներ: Գպրոց չունեն: Ժողովուրդը տգէտ է:

№	Կ Ա Ր Գ Ե Ր	Շունչ
1	Աղքատ . . . . .	140
2	Չունևոր . . . . .	100
3	Միջակ . . . . .	300
4	Ունևոր . . . . .	80
5	Հարուստ . . . . .	10
	Հնդամներ	630

Ա Պ Ի Գ Ա Ն

Սնկերտից դէպի հարաւ, մօտաւորապէս մի ութերորդ